



Ina demonstraziun pascheivla e senza incaps.

MAD

Pils dretgs dils pors

Cun transparents ha Kessler demonstreu encunter il bein claustral

■ (abc) Atgnamein fuss la demonstraziun stada previda per Pastgas. Pervia dall'aura brutta ha el lezza gada renunziu da cumparer. La dumengia da Tschuncheismas ha Erwin Kessler visitau Mustér. La polizia hagi giu il camond da mirar per uorden e ruaus, ha la plidadra dalla polizia cantunala declarau sin damonda da La Quotidiana. La demonstraziun seigi succedida en fuorma absolutamein ruasseivla e senza incaps. Rodund 13 persunas ein

arrivadas cun autos la dumengia endamaun a Mustér. La vischnaunca haveva buca lubiu la demonstraziun che Erwin Kessler haveva planisau per Tschuncheismas. All'entrada dil vitg, sil parcadi sut la claustra, ei il convoi sefermaus l'emprema gada. Ils autos dad Erwin Kessler e sia associaziun encunter las fabricas d'animals purtavan signets, ils demonstrators eran vestgi cun overalls blaus e scartiras alvas. Suenter ei il convoi da demonstraziun setransferius avon il

bein claustral a Salaplauna. Leu han ils participonts aviart dano-vamein in grond transparent. Sco quei che pader Vigeli ha confirmau a La Quotidiana, ha Erwin Kessler giu negins discuers ni cun el ni cun auters representants dalla claustra. Dil reminent setegni la claustra aunc adina vid la medema posiziun sco da Pastgas. Il suenter-miezdi ha Erwin Kessler demonstreu a Cuera sil bein puril dalla clinica. Leu eis el s'entupaus cugl administratur.